

Diskusi ICT



Bersama **FIRKHAN**
sembangict@yahoo.com

Pulih menu Start

SELEPAS mengemas kini sistem Windows 10, menu *Start* di dalamnya tidak berfungsi. Bagaimana untuk memulihkan semula menu *Start* tersebut?

-Amer, Kluang.

ADA beberapa cara yang boleh digunakan untuk memulihkan semula fungsi menu *Start* dalam Windows 10.

1 Buat semakan dan pulihkan semula fail korup yang terdapat dalam Windows 10. Larikan program Windows PowerShell menerusi *Task Manager*. Taip dan larikan arahan, *sfc /scannow*. Sekiranya keluar kenyataan berikut, *Windows Resource Protection found corrupt files but was unable to fix some (or all) of them*, maka terdapat fail yang korup. Seterusnya taip, *DISM /Online /Cleanup-Image /RestoreHealth* dan tekan butang *Return*. Proses muat turun fail daripada *Windows Update* dilakukan untuk menggantikan fail yang korup.

2 Pemasangan semula semua aplikasi dalam Windows. Larikan program Windows PowerShell menerusi *Task Manager*. Larikan arahan berikut dalam Windows PowerShell, *Get-AppXPackage -AllUsers | Foreach {Add-AppxPackage -DisableDevelopmentMode-Register"\$(\$_.InstallLocation)\AppXManifest.xml"}*. Tunggu sehingga selesai proses muat turun dan pemasangan pakej aplikasi Windows.

3 Buat akaun baru pengguna Windows 10. Larikan program Windows PowerShell menerusi *Task Manager*. Larikan arahan berikut dalam Windows PowerShell, *net user NewUsername NewPassword /add*. Seterusnya, lakukan *Restart* dan *Log In* semula Windows 10 menggunakan akaun baru. Seterusnya, boleh pindah fail dan konfigurasi akaun Microsoft yang digunakan dalam akaun lama ke dalam akaun baru.

4 Penyegaran semula komputer Windows 10 dengan pemasangan semula sistem Windows 10 tanpa mengganggu dokumen sedia ada. Lakukan *Restart* komputer dalam mod *Troubleshooting*. Apabila skrin biru keluar dengan menu, *Choose an option*, klik menu *Troubleshoot* untuk set semula komputer. Akhirnya, klik pilihan untuk *Keep my files* dan ikut arahan yang seterusnya.

Kebanyakan kaedah pemulihan butang *Start* pada sistem Windows 10 ini memerlukan kemahiran teknikal. Jadi, sekiranya perlu, dapatkan nasihat daripada sesiapa yang mahir dengan perkara berkaitan. Apabila butang *Start* tidak dapat digunakan, program *Task Manager* dapat digunakan dengan menekan butang *Ctrl, Alt* dan *Delete* secara serentak.

Pada program *Task Manager*, klik pada *File > Run new task*. Satu tettingkap dengan ruangan kotak kosong akan dipaparkan. Oleh itu, taip nama aplikasi yang hendak dilarikan ke dalam kotak tersebut seperti *powershell* untuk aplikasi Windows PowerShell. Seterusnya, pastikan menanda pada kotak bernama *Create this task with administrative privileges*.